

## Namołwa němskich biskopow k póstnej akciji Misereor 2018

Lube sotry a lubi bratřa,

chudoba a ničenje Božej stwórby słuša k najwjetšim problemam našeho časa. W tym nastupanju njeměł nchtó tupy wostać, hewak by to woznamjenjało, zo Boži plan za stwórbu a čłowječu dostojnosć wotpokazuje. „Wša čłowječa swójba“, tak pisa bamž Franciskus w swojej encyklice „Laudato si“, měła „so do pytanja za cyłkownym wuwicóm z dołhodobnym skutkowanjom“ (čo. 13) zapřijeć.

Tohodla so nas Misereor z lětušej póstnej akciju praša: „Sy džensa hižo swět přeměniť?“ Štó chcył na tym dwělować, zo dyrbjał so naš swět změnić – wusměrjeny na dobre žiwjenje za wšěch, a to po wšěm swěće! Tak kaž pola nas praša so aktualna póstna akcija tohorunja cyrkej w Indiskej. Tam zasadźuja so partnerojo skutka Miseror za dobre žiwjenje ludźi na kromje towaršnosće: Na kraju pytaja za tym, kak móhli ludźi z čistej wodu zastarać. W měšćanskich štwórcinach z chudymi přinošuja z kubłanskimi poskitkami za džěći a žony a ze sylnjenjom prawow za džětaćerjow a rjemjeslnikow k čłowjeka dostojnišemu žiwjenju. Postajće prošu přichodnu njedźelu z modlenjom, z akcijemi w swojej wosadze a při kolekće za Misereor wulkomyslne znamjo žiweje solidarosće a lubosće k blišemu. Kóždy dar přinošuje k tomu, zo móža chudzi w Indiskej a po wšěm swěće čłowjekadostojne žiwjenje wjesć.

W Fuldze, 27. septembra 2017

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop